



Wir Gots gnade

wir Johannis Friderich /

Wertzog zu Sachssen / des heyligen Römischen Reichs Erzmarschall vnd

Churfürst / Landtgraff in Döringen / vñ Marggraff zu Weissen. Thun kunth für vns / vñ in vormündschafft

des Dochgebornē Fürsten / vnser freundliche lieben bruders / Wertzog Johans Ernsten zu Sachssen zc. vñ vnser erben gegen aller meniglich.

Nach dem aus vorleyhung des almechtigen sich ein trostlich new Zynbergkwerck / vnser Fürstenthumb vñ Ambt Schwarzenbergk im waldt der gegenheyt / vnd gebirgen / die Platten genant ereuget.

Vnd der ewige Gott solchs an zweifel / aus sonderlicher gnade / zu mehrung / lob vnd preis / seins heyligen werdes namen / vnd viel menschen / zu besserung vorliehē.

Also das zuuorhoffen / wo es mit guter ordnung / vnd vleissiger Regirung gestalt wirdet / zu gutem auffnemen vñ nutz / vormittels göttlicher gnaden gereichē werde.

Welchs wir vns dan als der Landesfürst in des Fürstenthumb / dasselbig Bergkwerck gelegen / nach vnserm vermügen zufürdern / schuldig erkennen vñ geneigt sein.

So haben wir demnach den ihene so sich des orths wesentlich niderlassen / vnd bauen werden / zufürderung vnd auffnemen desselben Bergkwercks auch den auslendischen gewercken an dem orth Bergkwerck bauen werden / zu ihrem nutz vñ besten /

diese Bergkordnung auffgericht / der sich auch ein ieder halten vnd darnach richten solle.